



REPUBLIKA E SHQIPËRISË
BASHKIA LEZHË
KËSHILLI I BASHKISË LEZHË

Nr. 3371 Prot

Lezhë, më 24/3 /2023

R A P O R T
PËR PUNËN/VEPRIMTARINË E KËSHILLIT TË BASHKISË LEZHË
PËR VITIN 2022

Të nderuar këshilltarë !

Këshilli Bashkiak, si organi përfaqësues dhe vendimmarrës i qeverisjes bashkiake, i ushtron përgjegjësitë e tij qeverisëse, duke respektuar parimet e demokracisë vendore, transparencës qeverisëse, ligjshmërisë.

Këshilli i Bashkisë Lezhë, gjatë vitit 2022, është fokusuar në trajtimin e problemeve dhe shqetësimeve që meritonin vëmendjen e duhur, për një shërbim sa më cilësor ndaj komunitetit.

Prioritet kanë pasur vendimet që i kushtoheshin procesit të rindërtimit pas tërmetit të datës 26.11.2019 si dhe investimeve në si dhe investimeve në territorin e Bashkisë Lezhë. Gjithashtu, Këshilli ka marrë dhe vendime, që i kushtoheshin familjeve me probleme të thella sociale, eliminimit të dëmeve të shkaktuara nga fatkeqësitë natyrore.

Ka marrë vendim çdo muaj për dhënie ndihme financiare, për familje, nga fondi i kushtëzuar si më poshtë :

Nr.	Muaji	Ndihmë ekonomike për familje nga Fondi i kushtëzuar 6 %. (Nr. i familjeve)
1	JANAR	105
2	SHKURT	104
3	MARS	106
4	PRILL	106
5	MAJ	106
6	QERSHOR	105
7	KORRIK	104
8	GUSHT	104
9	SHTATOR	104
10	TETOR	93
11	NËNTOR	94
12	DHJETOR	94

Për periudhën Janar – Dhjetor 2022, janë marrë 141 vendime gjithsej në Këshillin Bashkiak Lezhë.

Vlen për tu theksuar se të gjitha vendimet e Këshillit Bashkiak Lezhë kanë qenë konform ligjeve dhe vendimeve të Këshillit të Ministrave.

Për vendimet e marra nga ky këshill për vitin 2022, Institucioni i Prefektit të Qarkut është shprehur pozitivisht për shprehjen e ligjshmërisë ndaj tyre për vendimet e marra me përjashtim të:

Konfirmuar pjesërisht 1 (një) vendim përkatësisht;

Vendimi nr. 25, datë 28. 02. 2022. (“Për kalimin e fondit të miratuar nga Këshilli Bashkiak me vendimin nr. 177, datë 23.12.2021 për buxhetin e vitit 2022, nga Klubi Sportiv “Besëlidhja” tek shoqatat sportive sipas kërkesave të administruara në bashki”).

Nga sa thamë më lart, këto vendimmarrje të këshillit, flasin qartë për bashkëpunimin e Këshillit me administratën e Bashkisë për t’iu përgjigjur në kohë dhe sipas legjislacionit në fuqi gjithë shqetësimeve dhe problematikave të komunitetit të Bashkisë Lezhë.

Këshilli gjatë kësaj periudhe ka qenë mjaft aktiv, duke mbajtur mbledhjet e radhës, sipas tabelës së mëposhtme :

Muaji	Nr. i mbledhjeve	Mbledhje të Radhës	Mbledhje jashtë radhe	Mbledhje të Jashtëzakonshme
JANAR	1	1 (01.02.2022)	-	-
SHKURT	1	1 (28.02.2022)	-	-
MARS	2	1 (04.04.2022)	1 (23.03.2022)	-
PRILL	2	1 (27.04.2022)	1 (19.04.2022)	-
MAJ	3	1 (25.05.2022)	1 (04.05.2022) 1 (31.05.2022)	-
QERSHOR	2	1 (28.06.2022)	1 (13.06.2022)	-
KORRIK	2	1 (28.07.2022)	1 (06.07.2022)	-
GUSHT	1	1 (29.08.2022)	-	-
SHTATOR	1	1 (23.09.2022)	-	-
TETOR	1	1 (31.10.2022)	-	-
NËNTOR	1	1 (02.12.2022)	-	-
DHJETOR	3	1 (20.12.2022)	1 (23.12.2022) 1 (28.12.2022)	-
GJITHSEJ	20	12	8	-

- Vlen të përmendet, kontributi i anëtarëve të këshillit, që janë në përbërje të Komisioneve të Përhershme të këshillit bashkiak.
- Gjatë vitit **2022** janë zhvilluar, **4 mbledhje online në facebook**.
- Rendi i ditës për çdo mbledhje të këshillit bashkiak, është publikuar **5 ditë para** mbledhjes në **web-in e Bashkisë Lezhë si dhe në faqen e Këshillit të Bashkisë Lezhë në facebook**.
- **Të gjitha vendimet e këshillit bashkiak, janë publikuar në web-in e Bashkisë Lezhë dhe janë të aksesueshëm nga çdo qytetar pa pagesë.**

Numrin më të madh të vendimeve e përbëjnë vendimet që kanë të bëjnë me infrastrukturën dhe strehimin,

Është pasuruar në faqen zyrtare të Bashkisë Lezhë, informacioni i Këshillit Bashkiak për publikun, në një kënd të caktuar nëpërmjet kartelave/tabelave të mëposhtme :

- Kryetari i Këshillit - kontaktet.
- Sekretari i Këshillit - kontaktet.
- Anëtarët e Këshillit Bashkiak - kontaktet
- 5 Rregulloret e Këshillit Bashkiak.
- Kalendari i Konsultimit Publik.
- Njoftimi i konsultimit publik.
- Regjistri i kërkesave dhe ankesave.
- Regjistri i brendshëm i peticioneve.
- Regjistri i procesverbaleve të mbledhjeve të këshillit.
- Konsultime Publike.

Nga Sekretariati i Këshillit janë vënë në zbatim kërkesat e ligjit për njoftimet publike (*si në faqen zyrtare të Bashkisë*), në zbatim të ligjit 139/2015 “Për vetëqeverisjen vendore”, i ndryshuar dhe Rregulloren e Funksionimit të Këshillit të Bashkisë Lezhë, por në të ardhmen do të bëhet e mundur jo vetëm njoftimi në faqen e Bashkisë apo në media vendore por edhe njoftimeve e shpalljeve në të gjitha njësitë administrative e lagjet e qytetit, ku për këtë është e nevojshme mbështetja nga nëpunësit e njësisive administrative.

Gjithashtu në çdo mbledhje plenare të radhës është lënë një hapësirë për pyetje nga komuniteti (kërkesa apo ankesa), që janë përcjellë përmes pyetjeve që kanë bërë Këshilltarët drejtuar administratës së Bashkisë, të cilat kanë marrë përgjigje të drejtëpërdrejtë nga administrata e bashkisë.

Në zbatim të ligjit 139/2015 “Për vetëqeverisjen vendore”, i ndryshuar si dhe ligjit 146/2014 “Për konsultimin Publik” gjatë vitit 2022, këshilli ka mundur të zhvillojë dëgjesa publike, në gjithë territorin e bashkisë në bashkëpunim me administratën dhe kryetarin e bashkisë.

Këshilli nëpërmjet faqes së tij online ka hapur një rubrikë të konsultimeve me publikun si një nga mënyrat e pjesëmarrjes së komunitetit për të përcjellë shqetësimet e sugjerimet e tij.

Mbetet si detyrë mjaft e rëndësishme për të ardhmen; gjetja e mënyrave dhe formave të tjera për të komunikuar me publikun për çështje si: diskutimi për buxhetin e bashkisë, paketës

fiskale, tjetërsimin dhe dhënien me qira të pronave, miratimin e standarteve e rregulloreve etj. me qëllim pjesëmarrjen aktive në vendimmarrje të komunitetit.

Administratorët e njësive administrative, kryesitë e fshatrave, këshillat komunitare, duhet të bëhen pjesë e organizimit e mbështetjes së dëgjësave publike, ku nëpërmjet posterave, anketave të ndryshme do të bëhet e mundur tërheqja e mendimit të komunitetit dhe pjesëmarrja e tyre në vendimmarrje.

Del si detyrë që çdo këshilltar; për aktet normative, për të cilat do të diskutohet dhe vendoset në këshill, të marrë opinionet dhe vërejtjet e publike në lagjen ose fshatin që ata përfaqësojnë para se të gjykohet apo shqyrtohet për të.

Falenderimet, shkojnë për;

- Punën e palodhur nga administrata e Bashkisë Lezhë
- Asistencën teknike dhe operacionale të Z. Hekuran Koka koordinator i projektit “Bashki të Forta”.

Faleminderit !

Hartoi raportin : Sekretar i Këshillit Bashkiak.

Florida Çunaj (Zyberi)

